

# 冊三

## 白齋竹里文畧

四明張琦君玉著

### 重修太守岳公祠堂記

景岳先生歷官館閣觸權倖落職成化初起守興  
 郡丕釐百度民即康功九所發慮多宏闊恒遠  
 而圖大今其蹟實咸可考見嗣吏茲土者因之  
 革用弗師先生致政及于潮郡之人思之如鄭  
 之思子產立祠涵江渾塑厥象高頰而長鬚白  
 眉美目陽然肖似於其生真若見之春秋稱執而尊

書名 白齋竹里文畧不分卷 正德八年刊本  
 撰者 明張琦撰  
 卷 冊三  
 內容分類 集別集-明中葉  
 索書號 集部別集-7-21  
 編號 D7430300

彩色首頁1

[東洋文化研究所漢籍目録 編號: D7430300](#)  
[東洋文化研究所漢籍目録所藏漢籍善本文影像資料庫 索書號: 集部別集-7-21](#)  
[漢籍善本文影像資料庫 白齋竹里文畧不分卷 正德八年刊本](#)  
 版權所有: 東京大學 東洋文化研究所  
[使用上的注意事項](#)

No. 2366





送屠君漸鄉赴五井鹽運提舉叙言

古之學者窮經致用視天下百戢庶務皆分內事隨  
所遇應之非擇而取職上睥大儒無不爾者况鹽法  
軍國大計其可薄視而等處之哉周官以鹽人掌鹽  
而用始重齊管仲氏正鹽筴為法漸謹漢以下郡國  
置官而資於國益饒蓋農虞衡分戢漸鄉屠先生  
天姿弘仁以秉純之學不舉失籌而所養益完以光  
嘉靖壬午由國子生拜五井鹽運提舉衆高先生以  
為非所宜處先生乃安之曰茲固吾戢也盡吾戢吾

道行矣雖食貨也地而天理未嘗不行乎其中顧用  
志何如耳有大人之思則吾官亦行道之所無大人  
之思雖上相則吾官 羞與比予聞之嘆曰尚  
德哉昔之人之為心與遂叙以別

馮宜人輓詩序

冬官節中馮行甫以其配某宜人至南京凡八載而  
宜人率行甫悲不勝僚友兩者各為詩成卷而持以  
示余三讀之曰辭美矣尚盡淨其情也予每見行  
甫必 從容言者後而 又每見行甫言語

多簡溫今若費而無味焉予疑其驗數也怪問之行  
甫乃曰先妻事予父母盡孝敬理家克勤苦及予有  
官又以清慎相居守其諸日用飲食衣服之費率以  
身勞之而不以累予心懼妨公也予是以得留往期  
予有進今焉望哉乃悲不自知耳予聞之歎曰意固  
將謂君有社稷之愛不忘平昔長孫居崩唐文皇傷  
之語其巨曰吾豈不知無益之悲內失賢相是以悲  
也夫文皇富有四海當時輔相多名臣而猶以失賢  
助笑不輟况君以臣人之微而亟起家益德之婦哉

誠情矣雖然情者止乎礼者也悲而不以節得無積傷之虞庶其有思乎君收淚謝曰吾以悲惻惻無所見得斯言若有釋然者願為題之

遺摺行實

予諱琦字君玉一字子玉以君玉行平生愛白素人號曰白齋先生初祖相傳自河陽扈宋駕南遷卜居鄞有元兵亂譜逸莫可詳考自十甫君而下曾祖諱華甫祖諱敬道考諱堪妣俞氏生琦予娶余氏生男二人嘉慶嘉遇女二人長德真道章思義次懿真許

金輝孫男長衣旦次皆孩未名予生十歲定齋蒙即不敢荒嬉十二三稍知屬對聯詩至十四讀易習舉業輒能行文十七隨逐前輩報應試以家貧遊嘉禾淑人弟子得束脩歸以養母親續歲復出為東君朱彥所宜留數載政治尚書與徒朱寅同苦讀每授三四百遍夜繼晷不輟晝昏睡則與徒合水相噴面以抖立精神讀既熟復歸從講於傳先生克貞成化丁酉試不利娶吾妻同甘苦予夜讀妻以鍼綫送之夜久熱盃酒軟以相勞至癸卯丙午巳酉壬子

連試皆缺牂乙卯服內報不出空隙皆遊學之年稍積貲養親始終苟完無大憾戊午廼始錄鄉薦明年己未登倫文叙榜進士既二年拜南京大理平事累陞寺副正凡九年審錄過臺司輕重罪犯八千起囚二萬七千餘人情罪或未當駁回必欲得其平有假印罪囚刑部擬死罪送審囚亦不能為辭予憫其陷於法太易慎思之退與先妻言曰假印鉄鑄木刻之耶予曰審以竹篋作四邊布置字畫成印妻曰篋作者不堪行使遽問死如何予悔駁回三人果得生

向出日拜曰張公生我也郡司獄官緣事上司問革貧不能歸携幼女鬻人為歸資予聞之閔然召司獄以已俸十金與之乃得免鬻女莆陽傅駟丞為予鄉人負債莆富家數多後病故富家欲執其妻女時予適亦歸召富人與語姑俟其還家來償不負汝始得收拾全妻子以行遲予程半月逆瑾用事法司罪罰去官者十七八時隆平侯家有訟獄將送審會予違疾不出寺屬同寅者審之瑾不得賂以錯問免其官而余幸無事意者一念好生有以致之乎或偶然未

可知也任內蒙吏部上章二次陪黜山西雲南提學  
不遂正德六年二月陞福建興化府知府為政無他  
能以仁平存心務使民得其所於風俗學校尤極惇  
慎四五年間雨暘時若禾穀豐收人無沴災累蒙當  
道獎勵素以病痰火

上疏乞休下吏部蒙批本官志能自勵政亦宜民况其  
年力未衰有疾宜加調治所據

奏要致仕難以准理合咨都察院行福建巡按御史令  
本官照舊供職務益展布志力以圖報稱後秩滿赴

京蒙考稱賦復任先妻從而往未幾歿于郡舍痛甚  
予前病復作上疏益懇苦當道慰留情詞勤厚巡按  
胡公云本官學識富士樂薦雄撫字勤民思借寇雖  
懷高尚之心唯允乞休之請布政使姚公薦於胡云  
看得張某自典茲郡已逾四載尚悃愫以無華操廉  
慎而不失肆力於學有文章太守之稱無擾於民有  
聽長者之譽先該本官

上疏乞休既蒙吏部特寢其章兼致慰留之意續該本  
官考滿赴



京又蒙吏部特最其考仍多褒獎之辭今本官復有  
此呈雖潔身以去出其素心然為國恤賢亦自有未  
能遽聽其請者合無行令本官在任管事以俟遷擢  
庶慰民情但本官才望既著年勞亦深如蒙別加論  
薦慶以普學等任尤為盡其器能按察使劉公云訪  
得本官學行老成才猷練達清譽久著於士林妙簡  
行看於峻擢仰行本官照舊管事以慰上下之懷以  
終君子之澤宣公云看得本官安靜不擾文學  
優長有古良二千石之風本道濫叨此職正賴相濟

遷引疾乞休然以

奏請懇苦終得請蒙

恩陞本布政司左叅政容令致仕歸焉予平生好作詩  
習學古人力不及乃已然多從實地來生變化不敢  
為望空語自遊江湖及出入兩京守蒲陽與居鄉作  
寫頗繁多散遺今入梓者十三四耳夫詩言之至難  
者也自顛髮黑且蒼且白四方知音相遭如皮陸者  
間亦有之可多得哉晚遇見素林先生知之為獨深  
嘗曰公庭私廨時出奇興與山川雲鳥發靈來進效

慕之放體裁而宗飄越以成俗又曰夢魂相接多在  
雪蒼兩碧之下谷答風響相和應噫言而至此亦微  
哉續彙出羣言覺尤有味已成編未知獲入梓否也  
文字亦有可取回首顧之度不能舉矣惜也予性稟  
仁慈見飢寒死亡如痾瘵在身雖殺一雞疑不忍視  
一虫之微無害於人者亦不肯傷殄病人惇信誼行  
事不為苟且平生自覺無慚愧但疏計慮不嗇縮有  
俸入餘錙多為窶人者所損散此為世之所短也土  
田頗營而無豐獲屢居粗創而未綿罔出者如塊攤

入者無泉流抱病懷殘喘寄身屬杪秋屢興歎而猶  
制又集想而紛憂愛山一輿樂水一舟縮首畏涼世  
閉門謝諸侯天自天而莫怨遂不遂而加脩未死微  
軀已卜荒丘永訣之日不許飾脩不喜饒鼓不喜備  
旂不設道場不誦比丘生也既順死復何求唯願我  
子要做好人要為君子作善降祥終有天理不可責  
報於旦夕弛為善之心哉此子發於心膂之言不知  
誰肯懷藏之為趙氏無恤者也

封君張翁壽圖序

甲戌之夏判府張仲懷奉部檄至興化予率僚屬吏  
民出候之見其色和而神熙若中有自憚者問之則  
其尊嚴封監察御史尊慈封孺人苑氏並年八十有  
三健粒而康居若少壯然又問之則其弟今監察御  
史提調南畿學政仲齊君也予聞之嘆曰日月之行  
有先後寒暑之變多消長琴瑟調而音節不齊草木  
生而榮瘁斯別是以閔父在而母先佚軻母存而父  
不逮楊椿之門男多壽柳玼之家婦長年齊茂雙榮  
世不多見豈神明者不肖快人以全乎其人事之不

齊然哉劉子曰能者養之以福封君孺人受天地之  
中以生與凡人同耳胡獨得福乃如此其必有所遇  
哉夫不可必得而必得之者至難也可必而必得之  
者猶易也仲懷獨得於聖賢之所難遇謂其不足賀  
也乎足賀而不之賀天固與之我自違之世蓋有是  
落落焉者弗壽也仲懷舉賢科再為儒師遷今官來  
聞仲齊管戊辰進士拜御史封君儒人兩弗就養而  
燕處高堂之上其自閩來者報曰政舉民安也則既  
喜自吳來者報曰化行士秀也則又喜閩吳之士竊

慕而樂道之宣之翰墨文詞則封君孺人所以為懷  
者何如夫喜動志志動氣氣動志寧志寧而體安靜  
以凝命則壽由已立而由天乎哉故孔子曰仁者壽  
又曰故栽者培之

贈袁子繹序

前尚寶卿袁公之孫子繹弘治甲子拜靖江丞今年  
冬蓋當考績之期以公事來南都鄉人宦茲土者皆  
將為詩贈之秋官員外郎錢君廷祐子繹內姻也謂  
某等曰叙別時列耳其毋庸盡為道駁厥事俾頌

民有德哉予考靖江在沙水之間初屬江陰其後  
難治成化中撫臣王公奏以為縣經畧粗定品式未  
詳君至歎曰鄙夷乃若是哉豈其習固然歟亦長治  
之臣罔加其志耳於是節經費養財力凡所得為者  
無不為及崇明賊作亂民多攜越君贊其令長緩來  
之既來處之東西沙咸給田使自力作者以萬口計  
繼而升土補賦百為盡心而民皆安業焉夫仕者之  
得土不患不足而患其有餘得土而行吾職也不患  
有餘而患其不足得土不足而行吾職有餘也

進何所不前也行吾職不足而得土有餘由是而却  
何所不後也吾嘗以此求仕之道今於君有稽焉君  
始至其邑固曰鄙夷若是已為之一動心矣而謂百  
里不足為乎及蒞茲土幾六載勤事用績歷歷可紀  
曾謂吾職其有餘哉昔君曾大父太常公柳莊先生  
暨其大父尚寶公並以碩望受知于

太宗文皇帝及仁宣之朝二世榮遇莫有加焉君其得  
無念乎深厥念是以有踐脩之德君清才績學先後  
試于有司者凡九而卒挫以歸入選拜今官君其得

無憤乎又厥憤是以有激昂之志非志無以成德非  
憤無以發才二者備而今善之所由著也夫為丞得  
土不足矣而令善之著有餘也哉重有餘而輕不足  
仕職其畢舉也故樂道而書之

代作三原太宰王公祭文

正氣善性完真全受弘毅公忠靡德弗懋應期五百  
寔參三才其間名世或是之魁思維先朝簡在

列聖累升大僚終授執政百職紀之飭戒肅穆四海均之

量劑厚薄商尹姬旦精神潛孚漢葛唐郭純駁尚殊

黃髮遠猷衰壯同德致主堯舜一念罔忒帝曰元老  
篤弼勞汝釋爾揆叙康之田里公既得歸道心茲休  
縱圖橫史茂林清流紀述不懈哦咏以嘻如是莫遏  
直趨耄期某昔與公交歡孔厚訃音東來見不可復  
臨風喟然拂淚沾衣遐舉豆籩公無我遺嗚呼尚饗  
重立涵公書院碑祭文

聖人之道無一日而不行故聖人之神無所往而不  
在興化雖介在南服而聖裔寄焉神則昭矣廟貌之  
立開始于有宋

碑久而曩重刻新之守令者鮮也敢  
稱有光爰期無斁尚享

### 謝雨祭龍文

是歲春民舉趾方擬農事天弗雨者踰百日吏民之  
憂視往歲增切越乃禱於諸神有感孚興雲作雨凡  
四五朝暮未溥大民色喜物亦向榮猶皆抱不足予  
率僚屬吏民往壺公山嶰并詣龍神烏匍匐三十里  
素衣芒屨裹頭持柳清塵率十五步一拜逆至壇壝  
與諸神胥居位皆南向一朝暮凡兩往拜退皆謹齋  
居官府廬市禁戒四十日飭其終如始上下咸無怠

神廼鑒觀為請于帝庭降大澍二晝夜此水入土四  
五尺河澮皆溢民沾足懽歌達于境內公私卒有賴  
周禮云允有功于民則祀之功有大於我神茲於乎  
尚享

祭岳公文

惟神性任天能身負國器論諍落賦起守甯陽百度  
惟正黎民永懷海支為江明澈行地上有公祠昭其  
清德祀典有嚴報功匪虧於赫厥爽庶幾來思尚享

祭陳參政待徵文

嗚呼方未見公仰公如雲及與我遇不負所聞有言  
閭閻有行灼灼析幾若嬉用謹以謹迎事醑物各滂  
其所始不遺終華必至米青髮甲科鐵書刑名司敗  
廷尉歛手享成陞守魁郡武昌叢劇事集民太不勞  
餘力

明辟迪知進參藩政致歸有詞措熱就清癯鶴高鷗出  
楚而閩海玆野羞享戚樂賓兩子龍種徵德肇慶胡  
不永考難忱者命嗚呼哀哉尚享

贊

來軒周先生畫像贊

莊乎如山之止浩乎如川之行泉乎如日之出勃乎如春之榮則象顯于可見體用藏而無聲入動天俱道與時亨思往哲之既寤於式瞻于先生

自贊

讀數行書既自別於鄙夫做幾年官又已出乎下士辭讓太蚤似乎失利木石無虞何謂不智於乎與我言我點頭自契

恭人贊

賢希鴻婦劬比宣妻不見聲色家政和齊白雲其不明月為抱我則弗如藉汝適道

見素林先生像贊

明目張膽貫道敏功還國錫朋我雲之中安石不出奈何乎公

張先生像贊

行無徒而獨往居無取而常足不曉曉慕異不汶汶自贖簪茨使厚釜米使精如此而已何勞其形

瑞茹贊



太和四遊化感無期匪我致詰亦孰用思孽祥相因  
呈巧出奇或在雲霏或在露電或在龜牛或在草木  
何以來也召之則然維人召之朕兆發焉有周君子  
至性篤孝事親必悅百順以道延開西圃列藝蔬瓜  
以燕尊慈樂而無譁有茄在圃紫花紺葉十步一畦  
幽采相接中有佳異双實並蒂絳珠玄璧駢綻墜地  
人曰瑞哉應在其季季寔為學清才高文以登上捷  
疾于風 此為季瑞夫復何云予究斯理蓋未止此  
根株華葉本同一體既瑞其子毋不但已樂康于堂

百秋  
瑞

秋官主事草亭周先生仲鳴關圃於其舍之傍周遭  
可四十丈而疏其地為畦畦窮有池池之上復取土  
築堤作亭以娛其母太夫人蓋久而成趣焉一日見  
茄結而聯蒂欣然有感作瑞茄詩而其弟仲玉君適  
至人皆謂應在仲玉明歲榜之祥也間以示予嘗觀  
造物之機每不可得於期待將迎之中而或發見於  
尋常形色之際蓋萬物皆有知也而况草木得氣之  
先乎則瑞茄之應必矣然草亭仲玉皆太安人所出

猶草木之本也寧有末瑞而其本不預者耶則大夫人之壽考又可推矣故為作頌

### 回祥題辭

回祥詩何為而作又何謂其為回祥也讀劉君世完所序而後知之蓋定海衛帥李君思敬喪父而繼母氏媿夫人無所出夫人自虞末踣歸杭依其昆弟思敬一時不能違其志徒痛心耳既而餽將無虛月抵杭迎請不甯行正德辛巳終以誠悃感奉之而來若衛莊母子之相見焉喜當何如哉孟子以父子離為不祥則母子離而合者祥也禎祥為吉假使夫人依姚而去李則人將曰子闕順也不爾又將曰母闕仁也闕順非子闕仁非母凶之道也焉得祥乃夫人歸李而去媿則天道宜人倫正而物議美衆善備矣謂之回祥也宜哉

### 論詩

作詩難知詩又難也詩非天資力到不能知能知詩而后詩可作也不然如夏虫之語水可能得哉漢魏以下五言變體論者多矣不贅語姑以唐以後律絕

及七言古體論之前輩品評多未當唐人李杜當是  
大作家王岑高孟常柳陸李輩諸作者惟楊伯謙論  
得是其分正音餘響盛中晚唐皆合格中理若所謂  
鼓吹三体品彙等集未免有所謬杜子美睨於詩達  
於天人常變不可拘測所謂不讀萬卷書者不待杜  
詩是也高棟乃置杜而不得入正宗與太白異路則  
其識見可見矣餘不必辨也若宋元詩則又當別看  
蘇全使學問不妙於情志黃珉傑不屑為純平語皆  
非正体至陸放翁發纖濃雖太過然皆自學唐來嚴

滄浪學盛唐律絕極類真至元趙謝諸公之作頗傷  
弱不抵玄奧

我朝高楊張徐諸人極學唐儘有好者後李西涯謝方  
石張亨父及沈石田律詩甚多生意且倣循唐人繩  
墨蓋傑然者也今盛世必有妙手不能盡知

行之求之

### 楓林家訓序

士讀書豈必粵若稽古哉凡書繇乎道不失其性耳  
古今一也楓林家訓同年鄭方伯立之四世祖所遺  
立之授其讀頗晚讀之再拜歎曰予平生仰鑽群經

及諸子爾矣。今之意又得見此書幸哉而一時賢者又且為發颺而舟楫之夫既亦盡矣予復何贅但人之家荒視其祖訓不在敝之僅則階榭之壁而方伯乃克憲憲章之如星日使與大學書並行焉帝嚳人傳為學者潛助於乎亦大矣

### 巖山一寄序

止為山動為人二者異體而同情恒若欲有遇而非固我所得私在造化者畀撥之而已矣違合久近各有分定焉迹葛源者有巖山奇勝絕天下大方伯鄭初藏脩所也宦旌招搖與巖山叙別久矣而其情未嘗一日不在巖山也是故性茲山而剛氣茲山而清體茲山而靜政茲山而安養茲山而粹一寄之餘大抵皆山所來哉雖違猶合也商相說築傳巖之野高宗夢而舉之今巖山亦曰巖數千年有嘿相會者不偶然也中興事業或於此有望試俟之

### 贈劉太孺人壽序

鄴令尹劉先生繇明進士受

朝廷簡擢臨吾邦政通事叙舉始要終未暮年百度惟

貞充然有懋進之勢每公退樂而少申容色若不足而實懷慶幸之意者聞有請得聞君之尊公先生鴻才重器有志未就而卒而太夫人萊慈賢粹正莫與儔者君不能違離奉之偕來至官邸甚康清六月二日屆太夫人疇邑大夫士候知之敬舉賀忱而屬琦為壽篇予竊觀於壽之道天與人二端而已矣天與人不相齊猶陰與陽之多虧損此則益彼在徐觀而默察之耳天道付予豈能盡得其常哉有德者必壽常也而忒不然者天固有以處之也君之尊公不獲

乎天之常則所以處太夫人者有在矣太夫人念在其子欲其子念在於民在於國在於天下蓋欲君以子之有餘補父之不足則太夫人娛心樂志以求其年而所得於天者亦不失其常矣於乎天人之際盈虧損益固有若是哉又聞太夫人仲子宗禮季子宗智皆儲秀校庠決志弘遠時望大有所屬亡日昆弟聯翔接迹以出當不讓古之荀甯其所以補先公之不足而益太夫人之壽又豈可涯哉圖有鷹柏則於者深祝遐望之意亦可見矣

書南漳文後

是編分上中下三卷總凡四十一有五目夏官主事玄敬都君所著也一日省玄敬手出是編示予讀未終竟假以歸蓋數月矣每心有疑滯輒取讀之若于中恨不能精故於文義無不察闕一焉皆妄也君以時文取科第求餼祿為養親畜幼之道而其志若力未嘗一日不墳典百氏之學也深讀廣記既以務該古今之說而鈎玄索賾又以要極義理之歸故雖寂寥數語而本末先後可攷焉則讀是編者不可以忽之也資治通鑑綱目之辨尤有獨見足以正百世之議云

送孫編修詩跋

宋歐陽公識拔名人故其門下士感義德道說其賢至于終久不相忘夫人不相知則不得於心而與之言言亦無味矣俞君懋敬輩遭所知孫先生得享道焉所謂渥泥而轉之清波可不謂相知歟先生行矣作詩送之而異其復來辭多忱誠油々發諸中者有

味之言也獨怪夫士不相遇者曰世無歐陽公乎爾  
今觀此孫固歐陽也懋敬之徒感義德而道說其賢  
者夫

淚錦詩序

陳萬南之配李氏卒既十年不相忘於是作為卷求  
大方之詩哀之題曰淚錦屬予言引諸首始吾外姊  
婦孫氏與孺人鄰知孺人最悉而嘗言於吾孺人修  
媿有賢孝之德與萬南室而處凡幾年而殂有遺孤  
生四十日而夭歿噫傷哉人之死也必哭之於其子

遠則孫哭之又遠曾玄孫哭之此天道之常也而孺  
以賢孝沮於妙齒不得享其年既無所望哭於其孫  
矣而當望於其子哭之子又無所笑也而笑之於其  
夫嗚呼夫不當笑其妻哉嘗讀左氏人盡夫也其言  
謬戾不足法信如其言亦可謂人盡妻則天理微而  
人心死矣而萬南之所以不心而悼之者正以見  
妻猶我而不

於河洲蘋藻獨往

乎有  
相至而辭不至是為有淚而無錦辭至而情不至

是為有錦而無淚二者並至

後跋

明州自唐賀秘書以詩人  
風流闡開寶之間年未老乞  
身明皇御筆賜詩惜賢達  
志其詩行于世不多特其



人品之高如白雲青鳳不可  
得而結攬固已重諸當時矣  
予生為秘書鄉里后秘書  
八百年自幼好有唐諸公  
詩而企仰秘書獨若加一倍

豈唯諸鄉里之私其志願肖  
類是故彼鄉向於昔先君贈評  
事晚菴先生速予舉子術不  
令一目詩懼心詩法也嘗几上  
竊取唐人詩讀之公見怒投

之淖靈中過則徐取以乾之  
是以於詩無專力而心則往  
潛遊乎其中先君不能禦也  
先君老且化幸慤其靈成進  
士始吾肆而莫予格矣夫是

以得禘讀唐諸家之作流  
體宜定宗之夫秘書風品或  
非勉而逮若其詩篇之存今  
者則願滋鄉里後也古詩自  
蘇李以來亦極致志更假數

年精力到得何如耳好事  
者時請檢傳寫夫楮毫之  
材莫可與廣也命王升之梓

正德癸酉八月中秋日白

齋張琦識





